

Poldi Filemondok pepa youliminguk

Yodakale Mede

Filemon adi Kolosiniḡ me wapum niḡ hatiluguk. Ala adi Jesu Kilisto'walaḡ kayoḡbop gineḡ agaḡ tomboyokuk. Ala adi tipilapilaye me tuwaḡit mokit niḡ hatimiluguk, wou Onesimas. Ala heleniḡ Onesimas adi bombongḡiḡiḡ Filemon bikabuḡa momoḡ uguk. Adi kwet momo ugukneḡ uḡoḡ Pol adi yot fafaḡeniḡneḡ kameu hatilune wooḡ tubumintaḡ adut hatitauyeḡ adi maḡ Jesu Kilisto nadisukilitimiḡuguk. Unduḡ tubune Poldi pepa bombongḡiḡiḡ Filemondok i youlimiḡa niḡkulune Onesimas adi pepa u tiḡa koti bombongḡiḡiḡ kawē uguk. Pepa gineḡ mede indiḡ youlimiḡuguk. Du tipilapilaye meḡ tuwaḡit mokit yendok kwihita mu timimberḡ, adi toboniḡ welekulema tiḡa me noke hinek unduḡ nagileḡ, maḡḡoḡde adi maḡ agaḡ Wapum Jesu Kilisto'walaḡ kayoḡbop gineḡ tomboyokuk.

Yodakale eḡ Yokahaḡ Mede

¹Nu Pol, Kilisto Jesu'walaḡ mede yohautalat doktiḡa yot fafaḡeniḡ gineḡ hatat. Nukut notnik Timoti, indi tubuloda menik Filemon gabukahile hinek tamut, dutok pepa i youkamamut. ²Indi pepa i witnik Apiyadok maḡ youlimiyamut, eḡ Akipa, indigut mikme hatiḡa Bepaḡ'walaḡ kwanaiḡiḡ gineḡ mikneyam aditok maḡ youlimiyamut, eḡ metam du yokeneḡ bopneḡ Bepaḡ niutumbaiḡ aditok maḡḡoḡ youyemamut.

³Betnik Bepaḡ tiḡa Wapumnik Jesu Kilisto adi'walaḡ siloḡ tobogoḡ eḡ kulemadi hidi'walaḡkade haliwooḡ hatuwaak.

Pol adi Filemon'walaḡ titiḡiḡiḡ momooḡ doktiḡa Bepaḡ niutumbaguk

⁴Nu helemahemaḡ ninadine gineḡ welemomooḡ dutok nadiḡa Bepaḡne niutumbalat. ⁵Maḡḡoḡde, metamdi indiḡ naniḡiḡ, du Bepaḡ'walaḡ metam welegedi hinek yabukahilelaḡ eḡ Wapum Jesu nadisukilitimiḡa medeḡiḡ kelelaḡ. Adi unduḡ nanimbune nadilat doktiḡa

Bepaŋ niutumbalat. ⁶Tiŋa du nadisukiliti gineŋ indigut welekubugon tilaŋ, doktiŋa nemek momooŋ Kilisto'walaaniŋ mintanimguk hatak u hogohogok nadidakaleweŋ yoŋa ninadilat. ⁷Notne, du welegedi Bepaŋ'walaŋ metam yabukahileeŋ yeniŋkilitilaŋ, kaŋ nu welesilonŋe wendoktiŋa welene kulemaune nadifo wapum tilat.

Kwanai me Onesimas'walaŋ mede

⁸Nu Kilisto wou foloŋ yofafaŋeeŋ titiŋ didimeniŋ niŋ ganimbene titiŋdok kedem lodaŋ ganindok nadilat, ⁹iŋgoŋ oŋ, nu welesiloŋ doktiŋa mede fafaŋeniŋ adi mu ganimbit. Me noli yabukahilekahile titiŋ wendi nihikiutak, doktiŋa mede kulemaŋgoŋ ganimbit. Nu Pol, nu Kilisto Jesu'walaŋ maŋiŋ mede tiŋa yohautawene nanagila buŋa yot fafaŋeniŋneŋ napmegiŋ, kaŋ yot fafaŋeniŋme unduŋ hatatdi ¹⁰mihine Onesimas^a momooŋ timimbeŋ^b yoŋa ganinadilat. Nu yot fafaŋeniŋneŋ hatuwene adi buŋa nabuguk, kaŋ nu tubulodawene Kilisto nadisukilitimiŋ hinek tuguk. Wendoktiŋa na'niŋ mihine hinek yolat. ¹¹Koom adi kwanai momooŋgoŋ mu tigamuŋa gehitubu-loda momooŋgoŋ mu tuguk. Iŋgoŋ kobuk adi kwanai momooŋ tiŋa nihitubu-lodalawaak. ¹²Nu welenedi adut halune kotigoŋ kamewene du'walaŋkade bulak. ¹³Nu Mede Momooŋ doktiŋa yot fafaŋeniŋneŋ hatiwene du'walaŋ kayoŋkoŋ titiŋdok adi kamehemimbene iŋgoŋ hatiŋa nehitubu-lodadok adi nadifo tilat. ¹⁴Iŋgoŋ tiyaugene du mu nadidapmaune kahilewene nadinambune tuwot mu tibaakneŋ, doktiŋa kotigoŋ niŋkulene bulak. Ale du nu nehitubu-lodadok nadiŋa kaŋ titiŋ momooŋ i da nadidapmaŋ kedem tibaaŋ.

¹⁵Biyaku Onesimas adi nai muniniŋ-kabe bigabuguk. Woŋ adi kotigoŋ nagilune dukut hatifafaŋedok binek unduŋ tuguk. ¹⁶Nai indinde adi nadimimbune kwanai-mege hogok mu tibaak. Mokoŋ. Adi yadi kwanai-mege hatibaak, iŋgoŋ kahileune menoke hinek unduŋ tibaak. Na yadi kawene notne hinek unduŋ tubune welenedi kahile hinek tilat. Du maŋ kahile hinek tibaaŋ u agaŋ nadilat. Adi tipilapilaye kwanaiŋiŋ gineŋ titiŋŋiŋ u kanadiune momooŋ tibaak, eŋ Kilisto'walaŋkade adi kaune noke hinek unduŋ tubune welegedi kahile hinek tibaaŋ.

¹⁷Du Kilisto'walaŋ kwanai gineŋkade nabune noke hinek tilak, undugoŋ Onesimas maŋ nu nabukahilelaŋ undugoŋ kahilewaaŋ. ¹⁸Tiŋa yom nenobu tibek be du'walaŋ nemek niŋ beŋa kibikoŋ mu tubu-

^a **1:10** Onesimas mebi Gilik mede gineŋ adi indiy: kwanai momooŋ tiŋa tubulodalak.

^b **1:10** Onesimas adi Filemon'walaŋ tipilapilaye-me tuwaŋit mokit hatiguk, iŋgoŋ mindaŋkade momooŋ wooŋ Loma yokwet wapumneŋ hatiŋa yot fafaŋeniŋneŋ foguk. Nai uŋaniŋ tipilapilaye-me undihi adi koloŋdabek foloŋ widihikumuyagiŋ doktiŋa Poldi yokulema mede i Filemondok youliminguk.

udaneguk, kaŋ adi wou nobuniŋ hatiwek kaŋ u biŋa nu wotnene youlaaŋ. ¹⁹Nu Pol, na'niŋ kohoned i mede i youtat. Ale kibikoŋ wobudok hatak u na wobaat. Tiŋa indiŋ yolat, da maan nu'walaŋkade hatihatige diniŋ kibikoŋ wobudok ungoŋ hakamulak, iŋgoŋ fiit wendok adi mu yobit. ²⁰Unduŋ doktiŋa notne, i nadiweŋ. Wapum wou foloŋ titiŋ momooŋ u tinambeŋdok nadilat. Indi Kilisto'walaŋ me hatiyamut, doktiŋa titiŋ undiniŋ u tubune welemooŋ nadiwaat. ²¹Du medene i agaŋ kedem takaliwaaŋ unduŋ hinek nadiwene dapmaune pepa i youkamulat. Tiŋa Onesimasdok titiŋ timindok ganilat u du kalakapme hinek tiŋa tibaaŋ u agaŋ nadilat.

²²Eŋ mede nimaan indiŋ yobit. Bepaŋdi ninadihik nadiŋa kotigoŋ binabune hidi'walaŋkade baat. Unduŋ doktiŋa du yokeneŋ yotmaaŋ nu woŋ deilaatdok neeŋ tiulidokowaaŋ.

Filemondok youtumba mede kamemingiŋ

²³Epaŋala adi Kilisto Jesu doktiŋa yot fafaŋeniŋneŋ noŋgoŋ hakamut, ala adi youtumba mede kamegamulak. ²⁴Eŋ mewoi kwanai noŋgoŋ tam, me Mak, Alistaka, Dima, eŋ Luk, adi maan youtumba mede kamegamiŋ.

²⁵Wapum Jesu Kilisto'walaŋ siloŋ tobogoŋdi welehik gineŋ halek.